

Poziv za nominacije za UNESCO-ve međunarodne nagrade za pismenost 2023

Ministarstvu kulture i sporta Kantona Sarajevo, posredstvom Ministarstva civilnih poslova Bosne i Hercegovine, je dostavljen poziv za nominacije za UNESCO-ve međunarodne nagrade za pismenost za 2023. godinu, a čija je ovogodišnja tema: „Promovisanje pismenosti za svijet u tranziciji: Izgradnja temelja za mirna i održiva društva“.

Nagrade se svake godine dodjeljuju pojedincima, nevladinim organizacijama i vladama kao priznanje za izuzetan doprinos u širenju pismenosti, a sponzoriraju ih Narodna Republika Kina i Republika Koreja i čine ih tri UNESCO Konfučije nagrade za pismenost koje podržavaju „promoviranje pismenosti, uključujući i funkcionalnu pismenost, korištenje tehnoloških okruženja, kao potpora odraslima u ruralnim sredinama i mladima van školskog sistema” i tri Kralj Sgiong nagrade za pismenost sa fokusom na “razvoj pismenosti na maternjem jeziku”.

Više informacija o nagradama, uslovima kao i načinu apliciranja može se naći na sljedećem linku: <https://en.unesco.org/themes/literacy/prizes/guidelines>.

Dostavljanje prijava se vrši putem online platforme <https://unes.co/ilp-account>, a rok je **28. 06. 2023. godine**.